



**Jus Canonicvm R.P. Pavli Laymanni, Soc: Jesu Theologi, Et
Olim In Alma Et Episcopali Academia Dilingana SS.
Canonum Ordinarii Professoris**

Juris Canonici A. R.P. Paulo Laymanno Societatis Jesu Theologo SS.
Canonum In Alma, Catholica, Et Episcopali Universitate Dilingana
Professore Qvondam Ordinario, Prælectionibus Academicis Illustrati

Laymann, Paul

Dilingæ, 1673

Capitvlvm V. Si clericus.

[urn:nbn:de:hbz:466:1-62587](#)

tatum, Episcopus vel Legatus curabit executioni mandari.

Hic est sensus huius capituli secundum originalem lectionem apud B. Gregorium I. in registro lib. 7. epist. 74. quam ad Bonifacium scripsit Corsicae defensorem, ac delegatum Sedis Romanae.

SUMMARIUM.

1. *Episcopus loci, & Apostolice Sedis Legatus in iurisdictione ordinaria concurrunt; Legatus autem suscipere causas subditorum non debet, nisi ob defectum Episcopi.*
2. *Index ordinarius v.g. Episcopus ut suspectus recusatus, si recusandi causa notoria sit, vel coram electis arbitris probata, debet dare delegatum partibus non suspectum, vel partes cogere, ut in arbitrios compromittant, vel denique causam ad superiorum Archiepiscopum, vel Papam deferenda.*
3. *Arbitri iuris laudum seu sententiam à se dictam exequi non possunt, sed executio eius fieri debet à Iudice ordinario.*
4. *Delegatus Principis, v.g. Papa ecclesiastico delegato potest per se sententiam suam executioni mandare.*

NO T A N D U M I. Episcopus loci, & Apostolicae Sedis Legatus in iurisdictione ordinaria concurrunt, sed non debet Legatus causas subditorum suscipere, nisi ob defectum Episcopi, quia videlicet terminare negligit, vel quia recusat, aut ab eo appellatur, vt colligitur ex hoc c. & habetur in Conc. Trid. Sell. 24. c. 2. de reformat.

NO T A N D U M II. Index etiam ordinarius, v.g. Episcopus ut suspectus recusari potest, quo casu, si recusandi causa notoria, vel coram arbitris communi consensu electis probata sit, iuxta c. speciali 6. de appellat. Iudex ordinarius super sedere debet, & vel delegatum ex consensu recusatoris deputare, vel partes cogere, ut in arbitrios compromittant, vel denique causam ad Superiorum, videlicet Archiepiscopum aut Papam de-

ratur, vt colligitur ex hoc c. & cit. c. speciali iuncta Gl. causa 11. q. 1. licet aliter hic doceat Abbas deceptus falsa huius capituli lectione.

NO T A N D U M III. Arbitri iuris, qui à Iudice ordinario cum partium consensu statuuntur, laudum seu sententiam à se dictam exequi non possunt, quia solum constituti consentur ad pronuntiandum, id est que pronuntiatione facta extinguitur omnis eorum potestas, executio autem sententiae latæ ab ordinario Iudice fieri debet, vt colligitur ex hoc cap. Verum quod Iudex delegatus ab Episcopo sententiam suam exequi, atque actionem in possessionem mittere possit, recte hic docet Gl. ver. ipsius, Abbas n. 37. Imola n. 2. contra Alexandrum n. 34. Felinum num. 5. Quare cum haec res valde controversa sit, ut videre est apud Menochium casu 74. id est attendendum est tum ad consuetudinem loci, tum ad verba commissionis, num contineant mandatum faciendi justitiam &c. Sed de Principiis, videlicet Papæ, ecclesiastico delegato dubitari non debet, quin sententiam suam exequi queat, c. pastorali, §. præterea, de officio delegati.

CAPITULUM V.

Si clericus.

PARAPHRASIS.

Clericus rem aliquam tanquam suam vel Ecclesiæ suæ repetit à laico possessore; sed laicus ait rem illam clerici aut Ecclesiæ non esse: queritur, ad quem Iudicem haec res deferenda sit. Respondit Alexander III. secundum iuris communis præceptum ad secularem judicem pertinere, quia actor forum rei sequi debet, licet in multis regionibus per consuetudinem aliud receptum sit.

SUMMARIUM.

1. *Laius à clero conueniens est coram seculari Iudice actione personali, & reali; si causa profana ad Ecclesiæ*

- sticum deferantur ob defectum Iudicis secularis; vel cause adhæreat qualitas, ob quam ad forum ecclesiasticum pertineat.
2. Si qualitas fundans iurisdictionem Iudicis questioni principali intrinseca est, sufficit, si actor eam expressè vel implicitè alleget, ad hoc, ut Index ad causam principalem procedere possit.
 3. Si autem talis qualitas non principaliter ducatur in iudicium, adeoque non sit causa intrinseca, sed accessoria, tunc prius saltem summarie, seu potius extraordinariè cognoscenda est.

NO T A N D V M Vn. Si clericus contra laicum agat personali aut reali actione, ad proprium eius Iudicem, videlicet secularrem, causam deferre debet, vti etiam habetur in c. cum sit, hoc tit. & sumitur ex l. vlt. c. vbi in rem actio.

Excipe 1. Si consuetudine receptum sit, vt Iudices Ecclesiastici causas laicorum et jam profanas cognoscant. Et testatur Glossa h̄c, quod Papa frequenter clero conuententi de laico etiam in causa profana rescriptum impertiat.

Excipe 2. Nisi causæ profanæ ob defectum Iudicis secularis ad Ecclesiasticum deferantur: de quo infra in e. licet.

Excipe 3. Nisi causæ adhæreat qualitas, ob quam ad Iudicem ecclesiasticum pertinere possit. Exempli causa, si parochus agat contra laicum tanquam surem rei Ecclesiæ suæ, tunc qualitas hæc sacrilegij efficit, vt causa sit mixti fori, ideoque fundat etiam ecclesiastici Iudicis auctoritatem ac iurisdictionem, sicut docet Felinus h̄c, n. 4. vbi ait, si in libello clerici agentis contra laicum tanquam possessorem rei ecclesiastice non allegetur vis, oppressio, aut furtum, remittenda est causa ad forum seculare. Neq; verum est, quod Abbas h̄c ait, n. 12. ex eo solū, quod res, quæ ad Ecclesiam pertinebat, apud laicum reperiatur, præsumēdam esse fraudem, potuit enim laicus rem tenere in feudum, vel ut emptam, vel ut bonâ fide præscriptam

(dummodò non sit sacra) vti notauit Imola h̄c col. vlt.

Qyæstio est, si qualitas aliqua fundet iurisdictionem judicis, num sufficiat, vt eam actor expressè proponat, ad hoc, ut Index ad causam principalem procedere possit, an vero necesse sit, vt prius de qualitate saltem summarie, vel potius extra judicialiter cognoscatur, si reus conuentus illam neget at huius judicis forum declinandum. Multa h̄c docent Antonius, Imola, & alij existimantes hanc ipsam Quæstionem in hoc capitulo examinari, quod verum non est, vt rectè notauit h̄c Felinus, quare ex hoc cap. nullum pro hac quæstione argumentum desumi potest.

Resp. tamen I. Si qualitas fundans jurisdictionem Iudicis quæstioni principali intrinseca sit, sufficit, si actor eam expressè vel implicitè alleget. Exemplum iam posui: si clericus laicum acuerit, quod ex Ecclesiâ aliquid surripuerit, & laicus neget, fundata est jurisdictione Ecclesiastici iudicij; non enim laicus crimen negare potest in ordine ad declinandum forum huius Iudicis, cum hæc ipsa causa seu quæstio directè in judicium ducatur, & super eā inter actorem & reum litis contestanda sit. Ita docet Innocentius in c. ceterū, §. de iudic. Gl. in Clem. dispedio. sam c. vslris, Gaill lib. 1. obseru. 3. t. ex quoru doctrinā sumitur, quod dixi: si dubium de qualitate fundante jurisdictionem Iudicis principaliter in judicium ducatur, non esse ante litis contestationem examinandum, cum super eo lis contestanda sit. Ceterū si postea in litis processu appareat, furtum sacrilegum commissum non esse, tum ab hoc iudicio reus absolvi, & actor in expensas condemnari debet, sicuti notat Innocentius in cit. c. cum sit.

Dico II. Si qualitas fundans jurisdictionem Iudicis non principaliter ducatur in judicium, ideoq; non sit controversia intrinseca, sed accessoria, tunc prius saltem summarie, seu potius extraordinariè cognoscenda est, quam ad causam principalem deueniatur. Ita docet Dominicus in c. 1. §. contrahentes.

hentes, ibid. Francus n. 6. de iudicijs, Gaill L. c. Exemplum habes, si extraneus coram magistratu isto conueniatur super contratu venditionis, ille autem absolutè neget se contraxisse, tunc hæc exceptio non subleuat illum, quia hæc causa principaliter in iudicium venit iuxta primam assertionem; sin autem excipiat se contraxisse extra territorium, tum Iudex prius examinare debet, vbi contractum fuerit: cum enim hæc loci circumspecta directè non ducatur in iudicium, ideo antequam lis contestetur, seu iudicium incipiat, ea examinari debet, ut appareat, num Iudex ad causam principalem procedere possit, necne. Simile est, si quis aliquem ut clericum conueniat super debito pecuniario, is autem excipiat se clericum non esse. Eadem ratione docent Logici, quod proposita quæstione, an homo risibilis sit, præcognoscendum non sit, quale est subiecti, quia hoc in quæstione versatur, ideoque demonstrari, non præcognosci debet, sed proposita quæstione, cur homo risibilis sit, præcognosci debet qualitas subiecti, quia ea in quæstione supponitur, seu super eà quæstio fundatur.

CAPITVLVM VI.

Ex transmissâ.

PARAPHRASIS.

Nobilis quidam Rudolphus tres milites Ecclesiæ Trecensi subiectos conuenire voluit coram Episcopo Trecensi super quadam possessione, sed Comes de Capra (seu vt alia lectio habet de Campis) prohibuit militibus sub fidelitatis obligatione, ne super feudali possessione, quam ab ipso haberent, coram Iudice ecclesiastico respondeant, nihilominus Episcopus Trecensis in eosdem tanquam cōtumaces excommunicationem promulgavit. Quamobrem ipsi Alexandro III. questi sunt. Is rescripsit ad Archiepiscopum Senensem, ut in primis milites ab excommunicatione absoluat, deinde iubeat contro-

siam inter milites & nobilem terminari per dominum feudi, sin autem is malitiosè differat, tum ipsem Archiepiscopum tanquam Papæ delegatus definiat. Hic est verus sensus huius cap. sicuti legi potest in Concilio Lateranensi sub Alexander III part 47. vbi de potestate iudicium, c. vlt. textus autem capituli nostri vitatus est, quamobrem Canonistæ variè legunt & intelligunt, suspicor causam errandi inde ortam, quia cum in veteri exemplari scriptum esset Ecclesiæ Tau, aliqui legerunt Tuæ, cum legendum esset Trecensis, nam ita in quibusdam exemplaribus reperiri testatur Alexander, tunc vero omnis sublata est difficultas.

S V M M A R I V M.

Quæstio feudalis inter clericum & laicum à domino feudi cognoscenda est; neq; eo inuito vasallus subiecere se potest alieno Iudici, prorogando eius iurisdictionem.

NO T A N D V M I. Vasallus non potest super causâ feudali inuito domino subiecere se Iudici alieno, prorogando iurisdictionem eius, sicut nec clericus absque Episcopi sui consensu coram alieno Iudice conueniri potest, c. significasti 18. hoc tit.

Pro huius intellectu aduertenda est doctrina Bartoli in l. n. 8. de noui operis nunciatione, quod interdum aliqui præcisè subiecti sint magistrati ratione nudi exercitij iurisdictionis, ut quia in loco domicilium habent, & tales in certâ controvenerint possunt se subiecere alteri Iudici sub eodem principatu, interdum verò aliqui strictius subiecti sunt iurisdictioni propter specialem obedientiam, quam alteri veluti domino aut Prælato suo debent, quomodo Vasalli obligantur domino in pertinentibus ad feudum. Clerici præsertim beneficiati Episcopo suo, multò magis religiosi Prælato suo, & tales personæ non possunt se iurisdictioni alienæ subiecere sine consensu proprij Iudicis.

NO T A N D V M II. Propter negligenciam vel malitiosam dilationem iudicis secundum laris